

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus XVIII. De exhibendis Privilegiis.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

recurrerint Pontifices, & Extraordinarios obtinuerint, qui ab hujusmodi vexationibus eos defenserent, ac promptissimè liberarent.

REGULA VII.

Quæ Judicialem exigunt Indaginem Conservatoribus expressè prohibentur; Interdictum quoque illis, ne extrà Civitates vel Dioceses, in quibus deputati sunt, procedant, nevè Quemquam à fine Diocesis ipsius ultrà unam diatam trahant, nevè etiam vices suas cuiquam committant, exceptis Citationibus & Sententiis Denuntiationibus, si primum ex his vetitis violetur, Conservator fit per annum ab Officio suspensus; Pars, quæ id procurat, Excommunicationem incurrit, à quâ absolvi nequit, nisi post integrum expensarum solutionem, præterea, quod fit, irritum est, sicut & cætera prohibita, si violentur.

REGULA VIII.

Quibusvis Fidelibus hujusmodi Conservatores dantur, iis etiam, qui hocce præsidio non indigere videntur, quales Principes Supremi, sed præcipue Personis Ecclesiasticis tam Sæcularibus, quam Regularibus, nec non & Universitatibus & Hospitalibus.

C. 15. De Off. Deleg. in VI.

REGULA IX.

Quoad durationem, & nonnulla alia, Officium Conservatoris cum Delegati Officio convenit.

C. 15. De Off. Deleg. in VI. §. Officium.

REGULA X.

Conservator Conservatoris sui nullus esse potest: nec etiam cujusvis sui Superioris, nisi de Rege Superiore agatur. Excluditur ab hac Commisitione, Quicumque non est in Personatu vel suprà constitutus.

C. 15. De Off. Deleg. in VI. §. Nullus.

REGULA XI.

Litteræ Conservatoriaæ, quibus permittitur tam Actori, quam Reo, ut eligat Conservatorem, sive in Criminalibus, sive in Civilibus, sive pro Caufis Familiarium suorum, sive pro suis, à CONCILIO TRIDENTINO abolentur; respectu utriusque, quoad Criminalia; respectu Actoris tantum, quoad Civilia; respectu vero Rei ita restringuntur, quòd iis uti non valeat, nisi pro se, & duobus suis Familiaribus, quos propriis sumptibus sustentat, quòd que si à Reo electus Conservator Actori suspeditus sit, vel inter Iustum & Ordinarium de Competentiis sit, non procedatur, antequam per Juris arbitrios super Suspicione vel Competentia fuerit judicatum.

C. 5. SESS. XIV.

REGULA XII.

Excipit à Decreto suo CONCILIO TRIDENTINUM Univerlitates Doctorum, vel Scholarium Collegia, Regularia Loca, Hospitalia hospitalitatem actu exercentia, nec non istorum omnium Locorum Personas, id est Rectores. ibidem

TITULUS XVIII.

De exhibendis Privilegiis.

Circà Privilegiorum exhibitionem, Duo queri possunt; 1. An qui voluerit uti Privilegio, illud exhibere teneatur? 2. An eo casu, quo exhibendum est, Originale exhibendum sit?

Tom. I.

REGULA I.

Quicunque Privilegium allegat in Corpore Juris non clausum, illud exhibere tenetur.

Colligitur 1. ex C. 1. *De Elef. EXTRAVAG. COMM.* Docet, non credendum Afferenti se in Officio, vel Grandu, vel Dignitate constitutum, nisi quod afferit, legitimis ostenderit documentis; unde sequitur nec credendum Alleganti Privilegium, nisi illud exhibuerit.

2. Ex Can. 8. DIST. C. In eo S. GREGORIUS scribens *Joanni Episcopo Ravennæ*, afferenti à Prædecessoribus Papis singularia Privilegia circà Pallium accepisse, ait, opòrtet, ut illa ostendat, sibi concessa esse.

3. Ex Cap. 7. & 8. *De Privileg.* In iis enim præcipitur, ut ex tenore Privilegiorum, quæ emergunt, circà illa, dubitationes solvantur; tñdè consequens est, exhibenda esse ipsa Privilegia, si de illorum existentiâ dubitetur; cum sicuti tenor Privilegiorum probat, quid contineant, ita ipsa Privilegii Communicatio probat, illud esse concessum.

REGULA II.

Ipsum Privilegii Originale exhibendum est, nisi justâ de causâ, autoritate Judicis, illud descriptum, post accuratum illius examen, patcat.

Regula infertur ex C. 5. *De Crim. falsi.* Enumerat fraudes, quibus falsa Instrumenta evaduntur, hinc consequitur, ipsa Instrumenta, prout primum facta sunt, inficienda esse, ut faciliè dignosci posse, an sint legitima an supposititia. Idem insinuant C. 7. & 8. *De Privileg.* cum ad ipsum tenorem Privilegiorum remittant, ipse autem tenor certò sciri nequeat, non inspecto Originali.

Exceptio colligitur ex C. 16. *De fide Instrument.* Tradit, Transumpta, autoritate Judicis facta, post diligenter ipsorum Instrumentorum inspectionem, propter vetustatem aliamvè justam causam, eamdem autoritatem habere, ac Originalia.

Utraque Regula cum ipsa etiam exceptione, aliisque pluribus notatu dignis, legitur etiam in C. 7. *De Privileg. in VI.* Hæc enim habet. Statuimus, ut iis, qui se aferunt per Privilegia seu Indulgencias Apostolicae Sedis Exemptos, à Locorum Ordinarii requisiti, hujusmodi Privilegia vel Indulgencias, quibus se dicunt forte munios, ipsis Ordinariis, in Loco congruo & seculo, aut aliquibus Prudentibus Viris omni suspicione carentibus, ad hoc per dictos Ordinarios Deputatis, intrà terminum competenter pro Facti qualitate, ipsorum Ordinariorum aut Delegatorum suorum arbitrio, moderandum, iusto impedimento ceſſante ostendere, ac ad legendum integraliter exhibere, nec non de articulis, de quibus Controversia fuerit, transcriptum tradere teneantur. Integrum locum referimus, quia ad rem maximè accommodatus videtur, cum doceat 1. exhibendum Privilegium, si ab eo, cuius interest, exhibito requiratur, 2. exhibendum ipsum Originale; id enim denotant hæc verba, hujusmodi Privilegia.... quibus se dicunt munios, & circumstantia inferius notantur. 3. ipsi Transcripto fidem adhibendam, ubi de ipso Privilegio constat. 4. ut sine timore Originale exhiberi possit, cavendum de ipsius securitate. 5. exhibitionem faciendam non solum Ordinariis, sed etiam Deputandis ab Ordinariis. 6. præfigendum tempus ab Ordinario ut & à Delegato, intrà quod Privilegia exhibeantur. 7. exhibendum totum, et si de speciali articulo agatur, ut patet ex verbo integraliter, idque dupli ratione, 1. quia Præcedentia & Subsequentia possent articulum illum restringere. 2. quia ex ipsa Privilegii Formâ, aliisque circumstantiis suprà notatis, deprehendi posset, ipsum esse falsum. GLOSSA in verbo integraliter.